

元亨釋書

三
四

元亨
釋書

特別
ハ4
5587
3

元亨釋書卷第三



慧解二之二

守印法師

興福寺明福

長訓法師

源仁法師

高尾峯真濟

法琳寺常曉

濟北沙門

師鍊

撰

東寺實慧

延祥法師

實敏法師

睿山光定

延曆寺圓仁

禪林寺宗睿

謚慈覺大師



法輪寺道昌

貞觀寺真雅

隆海法師

元慶寺遍昭

延曆寺圓珍

謚智證大師

釋守印姓土師氏泉州人也早從勝虞法師學性聰銳耳目之所觸長記不忘精法相兼善俱含議論之場重席之手也印鼻根甚利一時適出客有來而不遇去者印歸問曰誰來此門人告所由又問何以知之印曰聞香知之承和十年十二月卒壽六十一

釋實慧姓佐伯氏讚州人初事大安寺素基學唯識後從弘法大師稟兩部密法法稱告曰我法之興汝之力也修以東寺天長四年建內別觀心寺承和十年奏於東寺灌頂院修春秋結緣灌頂初三年敕為東寺長者此任自憲始弘仁天長二帝崇信過流輩十四年十一月十三日滅年六十三

釋明福姓津氏京兆人師事賢憬法師性聰晤學不倦延曆十年得度粹干唯識適維摩

講師俄有疾告辟法會將廢衆議推福充座
主福昇座辯義泉涌邁前時焉一會稱嘆悅
伏承和之間擢僧都嘉祥元年八月終興福
寺壽七十一福不畜親物只巾鉢而已

釋延祥姓槐氏近州野洲郡人幼師護命法
師命察其敏慧加意教誘一日問曰汝有夢
乎祥曰夢卧七層塔上時三日並出光照吾
身命曰吉兆也慎勿語人天長七年春於大
極殿講寂勝王經論難蜂起祥折以無碍辯

官僚緇徒毋不嘆伏仁壽元年任僧正三年
九月卒年八十五臘六十八

釋長訓姓錦氏近州滋賀郡人早爲玄憐法
師之徒延曆中受具足戒大極殿寂勝經會
慧辯快利仁壽三年爲僧正齊衡二年九月
卒年八十二訓固持毗尼出稱慈行

釋實敏姓物氏尾刈愛智郡人母夢室中建
三層塔覺而有孕延曆七年生日有重瞳耳
孔相通年十三從伯父中安法師入京安以

敏幼聰付玄徽法師睿稱其法器摩頂誨誘
又隨入唐沙門永忠益智解甫二十受具足
戒弘仁十年預維摩講席儕輩嘆其堅義承
和八年於大極殿講寂勝王經帝賞辯捷擢
僧都齊衡三年九月卒歲六十九臘五十敏
音聲雅麗聽其說法者皆歡悅或至淚流云
釋源仁初從護命僧正學相宗後謁實慧受
密教兼依真雅宗徽二師益臻闡奧當時推
其密乘之博衍益信聖寶二傑所由而出也

仁和三年十一月二十二日滅

贊曰學者慧之耕也慧者學之獲也耕弗獲
是曰儉歲焉耕而獲是大有年也七師者緇
田之大有年乎

釋光定姓贄氏豫州風早郡人弱冠喪父母
服闋割麀網大同之初入京師聞睿嶽澄師
之風傾意依付五年春正月宮中齋會奉詔
得度台嶺宮度從定始弘仁三年四月東大
寺戒壇受具足戒五年與興福寺義延抗論

宗義人優稱定初睿山太乘戒壇南衆阻之傳教卒後得建定之力居多焉弘仁帝好文定有外學常陪文宴以故與帝狎及睿壇立定抱戒疏草乞宸書帝笑而書嘉祥四年奉詔建四王院弘仁上皇聞定之齋廚屢缺賜一橐御書曰光定乞食袋其後囊中無所容天安二年定歲八十上以賀禮賜度者八人及縑八十純布八十端綿八十斤錢八十緡米八十斛台徒榮之此年八月卒臘四十七

贊曰明王之至化不可得而測知乎

弘仁聖皇瞻定師窶乏豈封給之不足免之哉敕署一橐又深矣乎蓋分衛者行等慈也用玉管之微署引環海之均施奚夫粹干斯邪又可想見當宸之治矣定師之承渥遇也台嶺之光暉乎

○釋真濟姓紀氏洛陽人朝議郎御國之子也母夢室中建三級塔因而姓延曆十九年生

幼齡出家學大小乘兼綜外學又從弘法大師受密法法喜其氣宇加提獎早授兩部大法爲傳法阿闍梨時年二十五後入高尾峯不出十二年承和初奉勅入唐洋中船破濟駕片木隨浪蕩漾者二十三日如濟者三十餘人皆盡餓死只濟及真然二人得活南嶋人遙望海上每夜有光怪而尋之得濟然焉嶋民哀恤得返本朝嘗於高尾神護寺建寶塔安五大虚空藏像春秋設大法會鎮護國

家初一紀練行時弘仁上皇聞其苦修爲內供奉十禪師仁壽帝勅爲僧正濟杭表讓先師弘法此時海公未有追贈帝義濟贈海以僧正濟便受敕天安二年八月天皇寢病濟侍看護昇遐後矢志隱居鄉與慧亮法師杭驗而不勝至此益快快貞觀二年二月二十五日逝年六十一
贊曰出言真濟惑色而成魅焉當彼不平亡聊之時偷眼於靡曼失所守而有被伺乎夫

皇王之興衰者雖系法力之資持其間有數而自歸矣吾徒之有爲也唯直道而已豈煩靈臺邪惜乎濟之短於斯乎然而濟之才又魁奇也貽祝於

吾皇讓名於其師其功烈偉也乎哉

釋圓仁姓壬生氏野之下州都賀郡人也昔崇神天皇第一皇子豐城入彥節察東壤其次子留爲鄉人仁其胤也延曆十三年生焉是日紫雲覆產屋同郡大慈寺僧廣智德行

兼優俗號廣智菩薩者也適見祥雲出尋起所乃檀越壬氏之宅也智問舍裏有何事主人荅曰家婦產兒智中心怪喜而不言其瑞蓋恐父母拘兒於塵中也其後智至家曰此兒長成必與我焉仁幼喪父九歲隨其兄學經史性聰明兒溫雅雖在少年志慕佛理漸荒世典輒耽竺墳母見兒操履兼思昔語遂付智焉兒夢沙門長六尺許儀容後偉心懷尊重瞻仰作禮沙門含笑語話傍人告曰汝

知之乎。睿山大師也。寤告于智。智將仁登睿
嶽。與傳教教悅。納焉。仁視教之風儀。與夢中
無異。而不說人矣。時年十五。大同三歲也。教
見其器宇。彌加鍾愛。教以止觀大定妙慧。亦
誡曰。吾常弘傳二諦。不生不滅之旨。而出人
解。真諦不生滅之理。未解。世諦不生滅之義。
汝以此法流傳。世弘通圓教。利益有情。又指
授止觀文義之骨髓。領知一藏經論之關鍵。
教嘗撰聰明年少十人。各習學止觀。九子室。

塞而中息。只仁一人得幸。業若有請止觀者。
令仁講授。教居傍聽。證率為常焉。弘仁四年
歲二十。逢宮試得第。明年正月。金光明會受
度持沙彌戒。七年於東大寺。受具足戒。教在
下野。時擇十人授灌頂。仁預數焉。爾後往來
諸處。稍張講席。承和二年。夢教枕膝。語曰。吾
使汝入唐求法。但恐漂泛險浪之上。勞劬危
舫之中。我甚思之。翌日。朝廷賜入唐請益之
詔。其冬。又夢教告曰。汝入大唐。索大法密教。

之中先詢天部台宗之中先問中道五年六月二十二日從大使尚書右丞藤常嗣上第一舶七月二日著唐國揚州海陵縣則文宗開成三年也十月藤尚書赴長安仁猶留府有一僧從上都來號宋徽通悉曇仁從之習梵學又有全雅能解密教就受灌頂得兩部曼陀羅諸尊壇軌佛舍利等四年大使促歸不得辭逆風俄吹還海州界仁以爲我逾溟渤求教法未克初志逼促歸國今風濤作虞

海神其有意乎便陳所由請抽身下舶止海州東海縣濱沙上洲渚日暮征帆已隱海門茫茫不知所之忽十餘賊來威形可怖仁謂我今頻死不如捨資全命至衣服皆脫與之賊思此人不惜財亦可貴也便惻隱曰和尚欲行何處仁曰我願至人里二賊將仁送村落而逃去漸至府時刺史押付本朝第二舶解纜五六日逆颶又起返登州界仁又以爲幸也潛下船寓州之赤山法華院匿屏過冬

明年巡觀州縣，釋利鱗老乃詣赤山神祠立誓曰：「正法難建，具師益難。山神願加冥助，我歸本土，當建禪宇，弘傳心印。」其夜夢一人提囊來，似販者，然不言而去。又返往來三四。仁問曰：「汝何人？」對曰：「商人隣舍僧聞之，曰：『所持何物？』」商曰：「不是開梨可買物。」仁便問之。商曰：「是量三千大千世界之秤子也。」和尚買取量。此地看仁買秤懸大地，和身亦在秤上。時仁夢中通曉豁如也。覺而端坐思忖：「我必得妙。」

法權衡此道拔濟羣情，亦是赤山神援也。不幾縣帖至，曰：「日本國僧任性巡禮，初不許參訪。至此亦以爲神加之一端也。」又得州牒往青州府，見節度及副使判官館龍興寺判官入寺慰問。明朝使使延私宅，讓自牀坐。仁供珍味，判官姓蕭名慶，中明佛心宗，得禪門祖付之印。仁從而參尋。蕭公許可證明，又得衙牒禮五臺於普通院。逢志遠法師，年八十，台教之類也。就受摩訶止觀，兼寫台宗諸書。隻

在大華嚴寺八月末到長安謁左街功德使儀同三司仇士良敕居資聖寺屢往大興善寺翻經院見元政阿闍梨學金剛界大法受五瓶灌頂夢澄公喜告曰善哉善哉汝圖寫將來次年詣青龍寺義真阿闍梨入胎藏灌頂場學毗盧遮那經中真言印契并受微細儀軌及蕪悉地大法面胎藏大曼陀羅夢人來曰五臺山和尚問訊日本國和尚今面曼茶羅我深歡喜便授刀子曰是北臺和尚所

送也覺後知文殊感應也又受玄法寺法全阿闍梨胎藏儀軌南天竺寶月三藏悉曇章右街醴泉寺宗穎止觀穎者智者八代之高弟也大安國寺侃阿闍梨淨影寺惟謹共器許授付凡住長安六年多得念誦經書道具等五百五十九卷二十一種會昌五年武宗毀佛法六年崩殂明年宣宗即位而大慶之後緇伍艱屯仁愁遭此時夢澄公語曰我敢護汝莫抱驚怖不幾而軍牒至曰日本沙門

宜歸本邦。仁出帝京，歷鄭密二州，到登州，押
新羅使張詠宅。初，漂著登州時，詠以嘗來日
本，受國恩待仁甚厚。至此，又能慰勞。又夢達
磨大師寶誌和尚南嶽天台六祖慧能及本
國聖德太子行基菩薩并澄公俱來，語曰：我
等護汝，令歸故國。言了，圍繞回東，相送夢覺。
獨自負焉。其年春，唐商船從越州赴日本，風
濤漂逸，返登州界。至秋，又發。適聞仁歸國，艤
舟而待。仁遭此遇，以爲夢中衆聖之感護也。

九月著大宰府。今歲唐大中元年，本朝承和
十四年丁卯也。仁表進所得經書道具等，除
勅勞問，唐客四十餘輩，官給衣糧，且賞將。仁
來也。明年春，隨詔入京。本山闔衆乞求灌頂。
仁乃以聞。尚書省割爲國修灌頂法，給一千
僧供。尚書左大丞伴善男監護法事。仁壽元
年，以五臺山念佛三昧法授諸徒，修常行三
昧。曆衡三年三月二十一日，帝於冷泉院南
殿受兩部灌頂。貞觀元年上受菩薩戒。二年

淳和太后受菩薩戒法號良祚三年太后太后
后藤順子受三摩耶灌頂初天長十年年四
十身疲眼昏思命不久於睿山北礪結草菴
屏居三年修練待溘然夜夢天人與藥其形
似瓜割食半片其味如蜜有一人告曰是切
利天妙藥也覺而口中有餘味然後羸形更
健民眸益明於是以石墨草筆書妙法華且
修四種三昧以所書經藏小塔置一菴名如
法堂其菴今之首楞嚴院也天卡則之書法

華號如法經國俗至今傳此儀為精行仁禮
五臺初至中臺臺上池中有文殊石像拜已
向西臺相去二十許里又向北臺距中臺三
十里雲霧滿山徑路難尋已而漸霽前途有
一師子形甚威猙踟躕感驚而進良久師子
不現遂至普通院院有一房房中現五色圓
光仁儼獨見餘伴不眎時五色雲覆仁頂上
又禮南臺黃昏忽見聖燈一點之光普照五
臺心中思言若穩返國必建文殊閣至心持

念作禮而退嘉祥三年上崩太子即位仁壽
帝是也敕修新傳齊法仁奏曰除災致福熾
盛光佛頂爲最是以唐朝街東街西諸內
奉恒修此法鎮護國家今須建持念道場爲
陛下修供蓋大唐青龍寺裏立皇帝本命道
場是其儀也便降敕就延曆寺建持念院擇
二七僧修持誦貞觀二年創文殊樓仁禮五
臺時收其靈石及師子腳迹土歸建營樓埋
靈石於五方基趾填靈土於師子四脚下仁

在揚州時節度使李德裕慰遠遊施絹十餘
疋仁不受德裕固請仁察誠受之即分開元
寺眾僧仁又受一分仁辭長安中散大夫楊
敬之國子祭酒李元佐及眾官皆曰我國教
法隨和尚東矣斯方志道者後當入日本國
元佐送護四十里日晚同宿臨分袂曰和尚
衲衣願施與我時時頂戴以慰離緒仁脫衣
與之初嘉祥元年七月爲內供奉仁壽四年
四月任延曆寺座主貞觀六年正月十三日

避諸弟子，猶召常濟入內床，口誦真言，手結印契，授與曰：「是名密印，罐頂濟不任感喜，仁房近中堂，至十四日夜，曰清淨靈場，側我不可取死，乃移慈微房，念阿彌陀，令諸門人同唱。至子時，手結印，口誦咒，北首右脇而逝。年七十一。臘四十九，遺言曰：『我在唐時立二指，創禪院，造文殊樓，文殊樓已成，禪院未營，是我急也。』且禪院者，爲赤山明神所誓也。我求法無礙，歸國不艱，皆神之賜也。我誓未果，甚

慙於神。諸法友及徒弟等願替我造之，遺誠十數條，皆護法微徒之微旨也。其著作金剛頂蘊悉地二經、疏共七卷、顯揚大戒論八卷、天長太止皇欲營菩摩戒壇，論者助發聖意也。三書依勅流行。八年七月，賜謚慈覺大師。諸友徒依顧命，建禪院并神祠於叡山之西麓。

贊曰：古云「草創難矣，或云「守文難矣」，二難未決矣。予謂夫備儀法於一時，貽德澤於後世，

者守文之任也然者是難矣哉何者若漢無文帝之儉約雖高祖啓基而不饗四百之曆唐無太宗之勤政雖神堯創業不傳三百之運承以孝惠之仁弱繼以高宗之昏荒而更歲華之延長者二文之勝膏殘芳也傳教權輿春嶽日不暇給慈覺因夢寐之誨誘涉溟渤之渺彌遭龍象之十哲見狻猊於五臺歸帆無恙故土有依祝皇王之萬年秦建撫持之院授弟子於三昧講營常行之堂顯綱

密紀此時具張加之託禪宇於願命授密印於臨行造次顛沛於此露皇方今台嶺之支派或三觀或三蜜莫不統於覺矣睿峰若容太常之議願我早贈太宗之謚

釋常曉山州小栗栖路傍棄子也稍長師事元興寺豐安承和元年甲寅入唐到淮南廣陵館遇栖靈寺文璿稟蜜教乃文宗大和八年也璿者不空三藏弟子慧應之徒妙明經律深通秘藏又謁花林寺三教講誦太德元

照請益蜜奧。照授以阿闍梨位。從受太元帥秘法。此法彼國不出都下。畿外諸別不許修供。照喜曉之才器。潛授焉。明年歸申。官於小栗栖。故里法琳寺修元帥法。齊衡之間。天下大旱。救於神仙苑。修太元法。白龍現幡上。大雨普灑。貞觀七年十一月晦。逝。傳來經書六十卷。

釋宗睿。姓池氏。平安城人。年十四出家。從載鎮法師學經論。天長八年受具足戒。乃肄相

宗廣。齒寺義演。聞台教。睿山義真并受菩薩戒。又於園城寺受兩部密法。于智證大師更趨東寺。稟實慧金剛界具紹阿闍梨位。灌頂貞觀三年入唐。請益乃懿宗咸通二年也。謁汴州玄慶。得金剛灌頂音龍寺法全。胎藏灌頂。全便付金剛杵及儀軌。又隨慈恩寺造玄興善寺智慧輪等阿闍梨。研究秘密。又到洛陽聖善寺。善無畏三藏之舊院也。門人以三藏所持寶杵并梵夾儀軌等與之。又登天台。

山精究教觀已而返明州望海鎮會李延孝
赴日本睿共泛舶凡三日夜著大宰府九年
丁亥也帝大悅恩渥倍前本朝宿學請新法
即於東寺啓灌頂壇四來還睿十六年上受
金剛界三摩地法十八年上遜之清和院常
召睿講演法義睿勸帝聽華嚴涅槃等諸大
乘經初山王明神託曰汝修學無比吾常擁
護遠行雙鳥相從暗夜炬火自照以是爲驗
無何詣越州白山一鳥飛隨不散入夜赴山

路雲霧增暗忽火炬耀徑行客驚怪睿感神
之不浪言焉其登五臺之時西臺維摩石上
見五色雲東臺那羅延窟側見聖燈及吉祥
鳥又聞聖鐘初貞觀十六年奏於宮中造持
念修法院帝在儲官以選講侍及即祚崇寵
益厚其阿闍梨位灌頂時官給供資年七十
六終于禪林寺睿性精勤寢不脫衣手不離
念珠元慶三年复上皇出家召睿受三摩耶
秘密戒降御衣服玩珍寶車乘爲親睿分捨

東大延曆第寺一毫不久已將來經書一百三十四部

贊曰諸師之西游猶衆問之著寶洲金銀珠璧耀心眩眸信手采取歸家囊收多寡之不侔也蓋力資之所繇與雖然不侔售用不道矣曉睿之二師其多寡者我不得而見寧不道者邪

釋道昌姓秦氏讚州香河人幼歲離家學三論弘仁七年秋試經得度九年於東大寺受

具足戒漫遊講肆錯綜諸宗又從神護寺空海阿闍梨登灌頂壇天長七年召爲佛名懺悔導師上問曰帝王臣庶庖宰之罪何重昌奏曰王重臣輕左右侍臣皆寒心謂昌齒少不知忌諱輒發言耳帝又嘿然良久曰帝王罪重有說乎奏曰昌竊見庖氏之供御者割鮮數十以薦一膳山澤飛走動受過戮所養少而所屠多以是見之王者爲重臣庶不然山海有禁弋釣不繼間有所獲纔資口腹耳

罹殃豈不輕乎上言其奏緩慮禁省庖供昌
一日宴坐虛空藏菩薩現衣袖上昌乃裁袖
畷之安法輪寺貞觀元年爲三會講師初承
和中大井河益昌蓋防遏衆人子來不日而
成故老拭淚曰不料今復見行基菩薩貞觀
十六年爲僧都十七年春二月卒壽七十八
昌講法華五百七十座

釋真雅弘法大師之弟也九歲離本鄉入雒
事兄稟密學十九受具足戒貞觀帝降誕之

初入官本持相國忠仁公與雅謀建精舍安
尊像祝賀葬也後敕名貞觀寺翌年度三人
雅爲止押與別往京執從之嘗侍官中誦三
十七尊經咒其音清亮如鳥環繞聽者莫不
帝又愛重貞觀六年爲僧正觀聖皇十六年
年盈七十秋七月上未解僧正優詔不許表
三上皆不許元慶三年春正月三日化年七
十五

隆海姓清海氏備州人東河上業漁捕年

數歲釣水邊本州諸師見而異之
付二論碩範願生有冠成預年度之
試時監司相繼令諸生徒互相問難取其拔
萃立為得第時海司轉英發試官擢置甲科
承和二年受具足戒後關中總法師法相重
其如阿闍梨空維十六年為維摩講師諸家
論難鋒起海隨方辯折無礙仁和二年七月
患風疾二十二日告門弟子曰我今時至乃
沐浴唱本宗所誦龍樹菩薩雅什三藏經又

誦彌陀讚結定印端坐氣絕而音止門人積
薪焚之身灰而印不壞年七十二生平述作
二諦義方言義各一卷四諦義二智義比量
義因明九句義各二卷

釋遍昭門下侍郎良安世之子也累葉冠纓
早翔羽林俗名宋貞承和帝加近侍寵遇日
渥嘉祥三年三月上崩不堪哀慕登睿山薙
髮於慈覺之室學旦台密又勅於持持院受
三部灌頂千座主圓珍講靈間朝野嘗詫曰

慈覺之資安然之師人品可知元慶二年爲
僧正仁和帝重昭德望二年賜封百戶又爲
元慶寺座主寬平二年正月十九日化年七
十四

贊曰昌公仰酬御問吾法中折檻之手也
海公母陀羅臂繫于烈火也生平所養可見
矣雅昭二師受源過亦其道術之所覃乎
釋圓珍姓和氏讚州那珂郡人父宅成母佐
氏弘法之姪也其家巨富鄉閭推重佐氏夢

智證

棄舟浮海仰見朝曦其光赫熾將舉手托之
俄飛入口中覺而語于夫夫曰吉微也必生
貴子則有孕弘仁六年誕焉形疑化性警敏
兩眼重腫頂骨隆起如覆盆雖幼稚有老成
之量見者異之甫八歲啓父曰內典之中應
有因果經願使我誦習父聞斯言驚異即尋
得付之珍朝夕讀誦未嘗輟十歲讀毛詩論
語漢書文選十四辭家入洛十五師事延曆
寺座主義真真嘉其才天長十年試毗盧舍

那經中甲第受菩薩戒爲大僧時年十九依
例接山一紀薰修精練名達輦下承和天子
親降綸綍加慰問官給資糧寵遇隆盛十四
年預大極殿吉祥齋會詞辯入微官僚登聽
又與南京明詮決擇太義詮者相宗之義虎
也珎問難激揚懸河馳電詮荅對拙澁詞理
共屈自是名播朝野嘉祥三年春夢山王明
神告曰入唐求法勿爲留滯珎夢中曰比來
入唐請益闍梨仁公精研顯密已歸本山我

何汲汲於航海乎神曰世人獲髮爲僧者多
矣子昔日何汲汲於薙髮乎蓋珎躁甚於度
也四年春又夢山王語曰求法忘身必有冥
助今是利涉之秋也珎夢中許諾乃勒兩臂
抗表以聞上感激制可仁壽三年秋僮唐商
欽良暉發舶珎共之泛海八月十五日著唐
之嶺南福州境即宣宗大中七年也刺史常
公軍將林師準加安慰寓居開元寺適中天
竺那蘭陀寺三藏般若怛羅在焉就學梵字

悉曇章兼授金剛界大悲胎藏大日佛印七
俱知曼素室利印法梵夾經等即於此寺兼
聽存式講嘉祥慈恩法華疏華嚴涅槃疏及
律俱舍義至溫州開元寺得宋本楞伽疏及
四分新疏如台州上天台山到禪林寺乃陟
朝修禪寺智者傳法之所所謂銀地道場也
寺東南有石象古來相傳智者修三昧時普
賢菩薩降道場摩頂安慰其所乘之六牙白
象化為石留此身形牙鼻宛如真象之南有

石窟窟中有石鼓智者說法槌之集衆智者
滅後擊之無聲玆試以小石打之聲震山谷
諸僧無不駭嘆寺北行數十里至最高峯號
華頂智者降魔感神僧之地也苦竹森立茶
樹作林下華頂傍溪行至石橋橋如虹梁跨
深谷其下萬丈水聲如雷玆於國清寺聞物
外講止觀就而寫教文三百卷外者遂師之
法孫也至越州開元寺智者九世孫良諤講
授台教玆又寓止九年六月入長安謁青龍

寺傳教和尚長生殿持念大德法全受瑜伽
密旨七月共圓載入胎藏灌頂壇十月入金
剛界大曼荼羅及稟蘄悉地大法十一月請
傳法阿闍梨位灌頂全有難色初承和七年
夏末不動明王授密軌其旨深秘珍對全呈
一二全驚曰此事密乘秘蹟子自何得乎珍
說所由全大感嘆以故全之所蘊倒底完付
及人定時授三摩耶戒平旦付阿闍梨位灌
頂曰汝蒙大毗盧遮那般若母加持遊步阿

字法性之太空傳一切如來最上乘教畢珍
不任喜幸此日捨財供寺衆又見興善寺三
藏智慧輪承兩部大曼荼羅秘旨兼授新譯
持念經法輪者不空之三世也十二年夏乘
商人李延孝舶至肥州松浦縣即天安二年
戊寅也太師藤良房大悅使使勞迎冬入帝
都表上所得台宗密藏及諸宗經書千餘卷
貞觀六年秋七月有旨於仁壽殿結大悲胎
藏灌頂壇上親入壇藤僕射良相及耆紳之

預者三十余人八年賜真言止觀弘傳之公
驗救於官中講毗盧遮那經上預聽元慶
元年即位初例講白座仁王般若經珍爲御
前講師仁和元年例講珍爲仁壽殿講主元
慶寺最圓問曰多臘比丘或隨少臘稟學少
戒已在師位多戒當從弟子列若爾羯磨戒
位似違定制不知爲犯不對曰大唐有國忠
志遠二師遠下於忠三十隻而忠從遠稟受
爾後忠必居下又帝者以少戒之智德爲國

師之時高臘者年皆就而受學悉位下唐國
法位類之耳若固守臘豈師資之謂哉初珍
泛洋北風俄起漂流求國遙見數十人持戈
矛立濱城良暉悲位謂珍曰我等當爲流求
所墜爲之如何蓋流求者海嶋之啖人國也
珍乃合掌閉目念不動專時金色人忽立于
舳舻中人皆悉見須臾東南風來帆幅飽飛
翌日著福州先是承和五年冬珍禪坐石龕
恍惚之間倏金色人現形曰汝當我歸命珍

問曰爲誰答曰我不動明王也我念法器故擁護汝宜勵志操爲苦海之舡筏珍熟見其形魁偉奇妙威焰熾盛手把劍足踏虛瑤便頂禮覺後命畫工圖所夢像是以風濤危害索救明王今之現形果金色也元慶元年冬入唐沙門智聰歸珍先語門人曰入唐留學圓載沒滄波悲哉不歸骸父母之國已葬身鯨鮫之腹是命也語已涕泗連如也門人惑焉及聰之至曰智聰俱圓載駕李延孝船過

海俄夜遭猛風舡艫異處載公延孝等一時溺死智聰亦沒幸值破舟之一板而乘之須臾東風迅來浮查西飛至曉漂著大唐温州之境然後乘他舡來朝以聰之語逆計之正是語門人之日也都下傳聞無不敬嘆元慶之間在春山一時流淚曰大唐國清寺元璋大德昨日入滅數日又流淚曰清觀大德亦殂數日法兄不堪每憶後一年又哭曰我大唐諸益師良語大和尚遷化須修追福通門

志乃捨布帛於延曆寺講堂修薦七年唐商
桓志貞至大宰府國清寺諸僧寄書言璋觀
之事又越州諸和尚之訃至其喪亡日與哭
泣時無違厠地莫逆之中觀璋二子尤深商
舡來徃音問相繼貞觀中觀有詩寄珍曰春
山新月冷台嶠古風清時詩伯當諫議至此
一聯擊節稱賞仁和二年秋上不豫敕下山
入宮持念看侍一宿便愈上悅賜年度二人
珍回資山王明神珍詣紀列熊野適風雨晦

冥迷失路俄太鳥飛來爲前導已而至祠衣
上之叢不遑解便講法華神排殿戶自此熊
山一乘八講雖晴天置叢講師座下以爲式
珍眷山房有山王明神座或曰山王受戒時
坐此故人呼珍房曰山王院初珍赴唐藤太
師寄五十金修智者塔及國清大殿珍又捨
三十金於國清寺建止觀堂爲長講之所今
比丘清觀充主事卿真進士沉權記千石貞
觀八年奏建持念壇千冷泉院祝聖也十年

六月尚書省劄以近州三井園城寺為傳法
灌頂道場賜我安置唐地傳來佛像經籍四
至山野禁俗輩侵掠始珍以將來經書置尚
書省新羅明神曰此日域有靈場我已預占
後新羅山王二神與珍同到三井檀越大友
次付宗至此賜省符事在寺像志初傳教於
睿山構三字北置多聞天王像辨毗舍門護
世堂南度經律論名一切經藏中安藥師佛
像曰一乘止觀完以其居中稱中堂又稍朽

壞珍合三字為一堂今之中堂也尚存昔號
或曰不華本乎對曰始之三字者三諦也今
之一堂者一諦也三諦即一我豈戾祖意乎
初珍次台州太守工部郎中李肇對論敬供
與公驗日觀九年唐發州人詹景全寄付法
藏圖目梓迦迦葉至慧能三十四像真儀莊
禮共二童子各闕四文珍在唐時景全頗錯
仰之誠勞離歲久通此好信蓋其德被異域
如之十年六月為延曆寺座主寬平二年任

僧都十月年二十九日謂門人曰如來以法爲
身比丘以慧爲命法華苟得有何死乎汝等
宜知之其日齋供如常黃昏結定印端坐念
佛五更乞水嗽口取伽藍載之右脇而逝頂
戴之衣即爲梵年七十八臘五十九其曉滿
山間木葉經三日將終弟子跪請衣執其
頭目舉取之乃非齊山南峰東隱珎自睡鳥
三蛇蟬涉獵經典游泳禪觀當其修習之時
雖徹曉無假寐齒隣八十耳目聰明食啖之

物不擇精唐貞觀之末法師濟詮將入唐來
告別且問西唐之風俗乞學唐言珎默不荅
詮蓄憤而起珎謂門人曰詮雖有才辯未曉
空觀異域請益似邀名聞若抱一毫之淨心
爭超萬里之險浪乎所以是我不荅也其後
唐舶來往不聽詮事料知漂汨海中珎之先
識機鑑類此受阿闍梨位者一百餘人手剃
髮爲大比丘者五百餘人延長五年冬十二
月賜謚智證大師

贊曰生而知上也學而知次也予讀智識之
記也當此之兒需索因果之經籍豈非生
知之上才乎山王之勸勵開元之聽習者蓋
見跡也故能擊智者鼓雷動支那鴻青龍瓶
兩澤日域又豈次知之所跋及哉若夫見即
載沒垂涕泗而洩哀知良語殂捨布帛而薦
福與彼斯多之痛五道跋陀之見五船何以
異乎天元之間闕璫禍起爭亂逐日而繁怨
毒與歲共積燬敗漫至輪奐隨復證之遺風

餘烈豈所謂涅而不緇磨而不磷者乎

元亨釋書卷第三

元亨釋書卷第四

濟比沙門

師鍊

撰

慧解二之三

圓成寺益信

醍醐寺聖寶

遍照寺寬朝

醍醐寺仁海

繁波山德一

睿山藥智

睿山安然

睿山玄昭

興福寺增利

醍醐寺延傲

興福寺盛和

睿山禪喜

傲直信切
說入理

延曆寺良源卷惠

東大寺法藏

興福寺真義

慧心院源信

睿山覺起

睿山實因

園城寺明尊

三井慶耀

興福寺仲兼

金龍寺千觀

園城寺勸修

檀那院覺運

園城寺慶祚

延曆寺院源

高野山明兼

仁和寺
益信

釋益信姓品治氏備之後州人武内大臣之

醍醐寺
聖寶

襲行教部尚書之弟如學相宗干大安寺後
從源仁開基受灌頂終旨昌泰二年太上皇
禮信落髮受戒延喜元年上皇就而票密灌
初信住東山椿峰尚侍藤淑子有病延信持
念疾便愈尚侍乃舍山莊為伽藍圓成寺是
也仁和二年賜傳法阿闍梨位昌泰三年為
僧正延喜六年三月七日滅年八十

釋聖寶讀別人光仁帝之後也年十六投真
雅法師得度學三論千元興寺願曉及圓宗

唯識千東大寺平仁華嚴千同寺玄榮又謁
金剛峯寺真然稟密教復從源仁益得奧秘
寶應興福寺維摩講請立賢聖義及二空比
量義三論之家賢聖之義從此始初東大寺
東坊有鬼衆懼不居寶請而住焉鬼現形
爭拒寶不屈鬼移他所爾後此宇無燒害一
夕燈下讀書於此候淪茶盞備昏睡也中夜
大地自梁間下影見盞中寶仰而叱蛇忽不
見庭上有巖石世曰寶從金峯山負來而其

大非人力所耐也寶好修練經歷名山靈地
金峯之嶮徑役君之後榛蕪無行路寶援葛
藟而踏開自是苦行之者相繼不絕貞觀之
末開醍醐寺而演顯密二教又建南京東南
院講三論之宗凡造丈六大像二十餘軀又
勤悲濟置衛役于金峯山設渡舟于吉野河
行人賴之仁和三年敕賜傳法阿闍梨位寬
平二年爲貞觀寺座主自延喜之初受月俸
千太倉二年爲僧正九年賜醍醐爲官寺寶

周遊南北二京其管攝之所東西二寺醍醐
東大興福寺等也延喜九年四月於普明寺
寢病太皇幸問七月六日逝年七十八寶
有所持如意背刻五師子面雕三鈷杵表顯
密並學也寶沒歷廿傳授在東大寺東南院
興福寺維摩講師必執此如意應演唱兩寺
有事東大寺不出如意若無如意措講會至
是朝廷宣東大寺出如意行法事其秘重如
此

遍照寺
實入朝

釋寬朝吏部尚書教實王第二子寬平上皇
孫也從寬空闍梨稟密旨永祚二年天祿上
皇禮朝受齋灌朝粹密學居遍照寺啓密歸
世稱廣澤密弘永觀元年爲圓融寺落慶導
師敕給封一百戶寬和二年爲大僧正長德
四年六月十二日化朝善聲明般若理趣分
作音調誦之密學之者傳其韻弄

雨月仁海

釋仁海字元果闍梨稟密學博錯綜衆流醍
醐之側小野之地海啓密講之席四來蒙業

之者多矣。小野密派寬仁二年六月旱，救
於神泉苑，修請雨經法，大雨下，三日夜長，元
之五長，又之四，凡詔率九度皆降雨，以先長
曆二年爲僧正，時人呼兩僧正，其長久之賞
聽輦車，賜封七十戶。永承元年五月十六日
滅年九十二。

贊曰：道貴渾厚，分則薄矣，不得已而分其分
之始，又厚矣。曷爲厚有合也？南山數傳而分
爲信實，又數傳而列爲朝海。今之東密稱小

野廣澤者，朝海也。信實者，野澤之小祖也。四
師者，分而厚者邪？

釋德一學相宗，于修圓嘗依本宗，作新疏，難
破傳教大師相徒稱之一闢。常州築波山寺，
門葉益茂，而嫉沙門莊侈，產食弊衣，恬然自
怡。終悲日寺，全身不壞。

釋藥智幼事睿山，皇慶早有稚穎，舉當內論
義智預焉。時年八歲，其敵長年，然避講席，坐
問座。智了角居士位，問師詰以深義，智荅釋。

渙然一會稱贊。延久帝在藩時語座主勝範曰佛學者之儒書以故旨語卑陋。台徒中有兼乎範曰當披砂耳還山薦智智入宮帝先問止觀深旨智酬荅明哲次及密乘智荅如台次經史子集智始釋外義後融真諦辨詞敏博君臣登聽帝大悅詔以寶祚逮帝即位召智智不幸短命而死帝大慟詔其徒賜僧官

贊曰木道無畛畦矣綴錄以來畛畦見焉或

安然

順而判或逆而峙皆所以抹掛道也因茲而言一者逆扶也智者順掛也成吾道之一畛乎而智之酬御也蓋欲漫畛畦耳嗚乎有類之譽者必有類之患矣命乎痛哉

釋安然傳教大師之系族也母夢明星入懷因而有孕及生聰敏邁人早登睿山搥衣於慈覺之室顯密奧秘無餘蘊矣又就花山遍此重受胎藏法凡涉獵經論馳騁百家其所述作輔弼大教所謂教時問荅菩提心義悉

曇藏大悉曇章等也其教時問答者立一佛
一時一處一教判攝三卅十方一切佛教錯
綜顯密之濫諸宗台密之者取法焉其悉曇
章深得梵學之奧旨時人曰以東垂之曆焉
通西天之音韻然之才宏淵哉都率超曰然
師者顯密之博士也又曰然公若不入我門
秘教可墜地其為英賢被推如此元慶八年
敕元元慶寺傳法阿闍梨
釋玄昭從慈覺學金剛頂諸經及台宗章疏

又就長意座主受三部密法瑜伽諸軌莫不
究通元慶上皇賀皇太后五十筭召名德六
十人四日講論諸宗妙旨敕令昭與勢範對
論因明義昭問難鋒穎範籍口不言仁和寺
聖寶稱云出謂昭為護摩王今亦可謂因明
王宮中以為美談延喜十一年秋太內有鷺
恠焉勅昭於豐樂殿修熾盛光佛頂法過三
日其妖止十五年二月三日結彌陀定印奄
然而寂年七十二

釋增利姓伴氏山州人。事興福寺豐載及空
操。學唯識。天安元年受戒東大寺。又從大安
寺真然稟密學。延喜五年維摩會場。大安之
觀。筭豎三論大義。問者杜口。合筵聞爾。于時
利出衆。筭詞義壯博。筭伏膺。南衆以聞。敕
爲諸宗豎義精問。連歲無酬對者。初三年爲
維摩講師。十六年爲僧都。延長六年七月十
三日減歲七十二。
贊曰。密墳顯典。充棟汗牛。一猶難通。況得實

三乎。如三子之蕙之。我不得而優劣矣。而覃
思之美者。然公其人乎。

釋延做。習三論於東大寺。學三密。于醍醐寺。
聖寶法師嘆爲法器。又稟密灌于寬平上皇。
初從寶入宮。上皇奇其才。欲授綱位。做不受。
寶曰。上皇思志子。何固辭對曰。經三會講。并
一綱位。國之憲章也。我豈叨恩私乎。聞者感
伏。其承寂勝講師。詔時適在宮中。壇所不歸
房。乃赴會。云。延長六年十二月十三日卒。年

七十三

釋臺和止興福寺有_レ才譽與祥延齊名而延
少於和天曆三年敕祥延爲維摩講師和抱
犢廢所業隱尾州熱田神祠有巫言人禍福
吉凶無不中一日以來與衆人時和在焉獨
不豫也衆人怪之_レ和又自疑巫曰彼比丘本
寺之神猶能管顧弗吾所庇也故不與米耳
於是旅人亡馬此馬師艾人不得近和聞巫
言怪喜私念實如巫言我捉此馬不傷於齒

雖便赴馬馬又柔馴而不_レ近衆人疑嘆巫又
大言曰春日明神令降來也又向和曰我未
弃汝汝何自弃哉汝不知乎天帝玉簡風記
維摩講師祥延在先壹和次之和聞之悔咎
歸南京四年果承維摩之詔

贊曰才識難全乎又或全矣傲也赴講席自
宮場者才也辭

皇恩之網位者識也豈非全乎惜哉和之有
才而欠識也賄榮於少學蓄怨於後時出途

猶隘之沅我門乎是所謂難全也然此方神
覆應我徒者厚矣彼冥諦尚如此況全者哉
嗚乎能護佛教乎

釋禪喜姓臘氏涪城人也幼時夢峯山頂有
佛舉手招我用七歲上台嶺詣中堂見藥師
像與前夢佛無少差雖孩稚心感悟十六出
家受戒依例一紀屏居性聰明涉經論延長
中加官講天曆九年六月九日身無疾令門
人唱彌陀經又自稱念而逝年八十二堂啓

講席一千餘座性至孝其母命終雖後置室
傍茶果飯蔬先獻而後嘗

贊曰吾佛之設教也戒爲地矣其法本云孝
名爲戒與仲尼之聞於曾參皆是也二教聖
人未嘗不於此焉然卓犖不羈之士間有反
常而合道水潦涸之類不察所由而效顰者
可以絕倒矣喜公博辯之資慣了蘭氏之本
狀豈不壤世相而見實相乎

釋良源姓木津氏近刈淺井郡人也母物氏

夢坐海中向天上日光來入懷中覺而孕延
喜十二年九月三日生焉九歲戲遊田中時
國老越州司馬雲貞行祭田而行見一童兒
當須空中有雲蓋雲司馬問之即源也語其
父曰莫輕此兒定非凡也後隨母詣梵釋寺
覺開梨見曰此兒豈可居鄉井乎十二上京
山師事理仙延長六年禮尊意登壇受戒周
旋喜慶相應覺慧雲晴之間稟顯密秘奧早
得博學名承平五年赴維摩會義昭者南都

之義龍也衆議令源與昭對論昭曰我德臘
共出於源者遠矣彼之少年豈我偶乎時仁
數有宿望曰源雖少俊才英特何齒齡之云
乎推爲偶講平城六群之徒藏面按杖遮路
曰昭公此方偉器汝何堪配若詞理不明加
杖於頭必也是語又歷源也其日源辟氣雄
壯義旨深宏六群之黨投杖叉手悔耻前言
應和三年秋八月於清涼殿啓法華講五日
召二十名德分朝夕二座南北互爲講問至

第二日夕座南京法藏爲導師睿山覺惠
問者藏立定性二乘不成佛之義辭辯甚銳
慶室礙不辦源者第三之朝導也聞慶屈咬
齒而出代慶演衆生皆成佛之旨問難往反
已入昏夜藏曰決擇坐久稍至更深明日朝
座必挾理窟翌日源居導座問者平州也而
源代昨夕問又義未竟故藏爲問者平州無
分矣君臣清耳而待源詞義邁前日藏鉗口
不言源曰昨有挾窟之言今何默爾藏曰子

之才辯似富樓那我之拙昧豈可當乎合會
嘆伏一時誦梵網戒品至數句光出於口諸
徒多見文殊樓者慈覺之所建也覺昔於五
臺感師子収其足跡之土而歸及創樓以其
土置師子足下樓已灰基趾頽圯靈土漫不
可分矣源於虛空藏峯造文殊樓然無礙
偶開故篋得一紙畧書曰臺山師子跡土源
喜以其土置猊足下天慶九年藤僕射師輔
於楞嚴院營法華三昧堂集衆擊火燧而誓

曰若因三昧力光榮家族所擊之火不過三
便擊之應手火星迸出不至于再僕射便手
以此火點長明燈于今不滅乃以此宇屬源
之法葉矣爾來藤葉益昌康保三年八月補
天台座主領山務者二十年山上堂宇敗焚
之者多源之管中皆復舊觀天元四年爲大
僧正兼法務聽輦車永觀三年正月三日唱
彌陀而滅年七十四時紫雲垂庭橘漸上散
去藤僕射有三沙門尤所信鄉或夢三僧者

三光天子也義昭法藏及源三人共正月三
日寂又可恠昭藏二師已爲源屈廿言源者
日天乎源道負雄毅自把鏡寫照曰置我像
之所必辟邪魅從茲模印天下爭傳方今
屋間架戶扉之間黏貼殆徧賜謚慈慧
贊曰慈慧雄才崇功能令家業光大焉亦得
久者多矣學者之道山家者以慧爲中與焉
而天祐之時慧爲貫首矣其德威可鎮爭亂
然漫而不省焉豈當法義乎

釋仲筭不知何許人空晴法師適過興福寺
北門逢小兒年可六七歲其髮甚赤晴見其
氣宇不凡問從來見曰我只遊戲此耳何從
來之有晴携歸房聰穎絕倫漸長博綜內外
尤邃論義南都學徒推為楚才然性不喜僧
官每選讓從三膺維摩詔皆不受應和之官
會仁賀圓藝臨時告辭講員已缺筭以兼才
與代之第五之日眷山壽肇為朝講聖教夕
講筭共為論者詞義瞻粹君臣嘉賞安和二

年於熊野山那智龍下講般若心經忽現千
手千眼之像講已昇岩上自此不見或曰入
慈恩寺山而後不出唯遺草鞋云

釋法藏從寬救稟唯識之旨又學三論於延
傲受密灌干定助應和之宮講為第二夕座
講師教居東大寺西室不倦講授兼有藝術
一日黃昏經行殿陛忽衣冠偉人授狀藏啓
緘天帝之札也曰屈師慶讚紺瑠璃觀自在
菩薩像藏對使者曰我聞喜見城者居須彌

八萬由膳那之頂遙隔七金山我未得通何
自至乎使者曰師只閉目挂手於我肩可速
達耳藏如言須臾到忉利天喜見宮南門天
帝及三十二天護國四王天子天女羅列森
如宮殿嚴飾殆不可言也中安琉璃大悲像
藏登天高座讚演詳精天衆傾聽講已憍支
迦作禮於藏乃盛天金珠珍鬘藏藏曰卑詞
蕪說汗漬天聞下土沙門不容辭耳又出財
金玉久志避棄法儀檀貺深領天恩然今茲

薄伎若怨天意我有小願願伸精抱帝釋默
許藏曰所生之母去閻浮父不知報生爲何
處乎天威嚴尊柄持此權令貧道遂得見
知言已潛然於是天帝敕一天子將藏往
王宮藏王受天敕檢罪簿藏之母在燒熱地
獄乃付冥使令藏至獄所四旁餘煙叫呼音
不堪聞獄卒開一鐵扉猛火迸出不可嚮通
獄卒以鐵鉞探金底胃一物而出死似炭頭
置藏前曰是師之母也藏心神奮視不能正

視熟看，似入藏。白母言：生平何殃受此極苦？對曰：只是生育兒孩，癡愛之故耳。藏曰：修何拔濟？對曰：冥中資糧無過法華。願子爲我一日寫之，母子相語之間。獄卒曰：獄中無閑時，今已移刻。何其父乎？便捉引母。母把藏袖，大叫獄卒強率，以鉞貫母，擲金中。藏見之，放身投地，悶絕而卧。冥使曰：是師母自作非作，所爲早歸閻浮，促拯濟方。天使又把藏手，置肩須臾，在東大寺西室。凡藏經由天地過四十

九日，歸藏。乃一日內寫妙法華，回母冥資。其夜夢莊服之，天告曰：我因經功已出苦輪，生忉利宮，是人命終當生忉利，言不食乎哉？藏講寂勝王經，青衣人常預聽，不知從來人多，怪講竟，青衣返。憇道傍，人伺之，蛇也。蓋龍之法眠，即爲蛇，如是數矣。藏又知之，適天下大旱，藏謂青衣曰：行雨不對曰：雨者非龍之有也。天神使之也。今承命盡効力乎？然我必受譴，願垂救護。又雨下之時，其誅自見矣。語已

君根
金抄
寺
千觀

昇天須臾兩大霍遂血與兩竇咸悲候而修
冥福天德四年爲維摩講師安和二年正月
三日卒
贊曰騰和之間相台交攻二師者南紀之爪
牙也其所那智龍冲喜見宮者二子之緒餘
土豈邪

釋千觀姓橘氏父母無子祈觀音千手像母
夢得蓮華一莖因而有姓及生名千觀入園
城寺學顯密教爲人慈順面無嗔色應和二

年復旱朝議教觀祈雨觀時居攝州箕面山
撰法華三宗相對釋文中使到菴宣旨菴之
後三里有大龍瀧上大柳樹偃蹇巨瀧口觀
將宣使至瀧所上栴樹手擎香爐啓白持念
千時爐煙登騰滿山谷黑雲相和甘雨大灑
觀及官使霑衣而歸初觀止三井旁修淨土
園城之背西峯巍峨不便日觀乃遠覓勝地
至攝州有山出金色雲觀思靈區而卜居今
之金龍寺也池有龍故名焉觀多抄台宗與

旨方今三井豎義學者取則焉嘗以八指十願導利四部臨終時安詳寂

贊曰感應者須久修而得多尅七日矣或五焉或三焉又爲速焉不則七日之者于二于三由託應而不殛觀公隱草菴承華輶奔赴端龍指揮蜿蜒至千手靄香煙爲雲而上頭蒙衣袖當叢而歸不知渠何修而疾効如茲邪蓋是猶觀公之末邪其本者我不得而見矣然以見者而推不見之者又深矣乎哉

釋真義姓平氏勢剌多氣郡人也學相宗于興福寺空暗適詣紀州那智山歸時脚大腫不能行入坊即差又發亦腫諸苦行皆曰恐神駐公行耳公盍獻法施義乃到瀧下講般若心經私念神若歆講乞見祥異于時瀧水逆流衆人無不感嘆天延三年爲維摩講師正曆二年爲僧正長保元年二月七病逝○釋勸修姓紀氏父母禱佛神求子母夢星光入懷覺而孕自稚孩不食肉不戲劇家人戲

以海月入口見乃病數日生瘡其形死如海
月父母驚歎誓曰此瘡速差奉兒於三寶
已而瘡年十一從台山靜祐爲童前一日祐
夢沙門數輩負白木觀音像安房其
兒三居保處祐爲以古微自爾學業早
震朝市就餘慶僧正受密灌又於勢祐處益
增所業長德三年四月宋國送新書五部彼
土台徒之述也所謂法華示珠指二卷龍女
成佛義一卷十六觀經記二卷佛國莊嚴論

一卷心印銘一卷附而乞台教遺矢書六部
此方學者有議新書者因茲朝廷詔慈覺智
證兩徒加毀破法花示珠指上實因破之下
脩預焉初永延元年羽林中郎將藤道長陰
語曰我不得法力難受大拜願師加意焉修
諾之二年藤公遷黃門侍郎正曆二年御史
大夫三年特進長德元年五月十一日以羽
林大將軍爲同中書門下平章事六月右僕
射二年左僕射平章事如元不滿十年據鼎

鉉皆修之力也術家白藤府言某日家以
恠至期相國閉門謝客晡時有叩者問之
曰和州之瓜使也開門納之于時修在座大
史安晴明大醫重雅預焉相國顧安大史曰
家裏有齋祓不知此瓜可嘗不晴明曰瓜中
有毒不可輒啖也相國語修曰許多瓜子何
為毒乎修誦咒加持忽一瓜宛轉騰躍一座
驚怪重雅乃袖出一針針瓜其動便止割見
中有毒蛇針中其眼蓋術家之言是也都下

三子之精其術矣實因法師乞法性寺座
主位永延帝貌其器而不任含怒而死其靈
惱帝人不知也醫巫無効詔修加持靈託曰
我實因也雖深望帝今被明王縛我又去矣
修曰實因生平粹於台宗今尚記乎荅曰名
字觀行隔生即忘況理即之身乎若臣聞之
嘆敬上病乃愈長德三年補園城長吏寬弘
二年藤相國建淨妙寺屬修之門葉酬持念
之德也五年七月八日寂年六十四謚智靜

夢曰義者應和角論之徒也修者長德正述之儔也其學見十二事矣加之能躍隻瓜流經水者二子之不器乎

釋源信姓卜氏和州葛木郡人也父名正親母清氏父母詣郡之高尾寺求子母夢一僧以一顆玉與之即有姓信幼時夢高尾寺有藏藏中有數鏡或大或小或明或暗一沙門取暗小鏡付信信曰此小暗鏡有何用欲得大明者沙門曰只以此鏡至橫川瑩磨覺而

惠信

大信又不知橫川何處後上睿山事慈慧苑思夢事勵精修學天性聰明究顯密教五種法師四種三昧無不薰練過壯歲忌榮名屏居橫川專以著述為已任所謂一乘要訣往生要集阿彌陀經疏大乘對俱舍抄因明相違江釋等也台嶺教法此時為盛負笈承業者多時號慧心院僧都信作台宗二十七疑問宋國南湖知禮法師禮得問書嗟嘆曰東域有深解之人乎乃造答釋返之風韻來往

音聞相繼其一來要說不顯衆生成佛之美
用定性無性之執也時夢西天馬鳴龍樹座
頂讀歎傳教大師合掌告曰我山教法今展
汝焉往生要集者備西方之勸發也又喜
出言微笑而授金蓮華毗沙門天王捧蓋而
從作時深夜獨坐思惟法義欲見證典殘燈
已灺忽有自然火現檠上諸異應匿而不語
寬仁元年六月十日集門弟子曰今生謁晤
只在今日若教義中有疑取決焉後不可又

諸徒且問且位信一一剖析明白漸氣息遠
塵魔去門人唯留上足慶祐曰我以一乘善
根迴極樂勝業上品下生我當取之今二天
童下來曰慈氏天尊遣我二人爲師迎接又
有數萬天翼從我語童曰兜率之生彌勒之
謁我旦嚮之然我生平有願欲覲彌陀往安
養之後必詣慈尊願爲我致此意焉二童昇
去頃刻觀自在菩薩來現素志不失汝其知
之慶祐聞已流淚隨喜便結定印端坐遷化

壽七十六千時天樂響空奇香四散山中草木皆盡摩西傳聞趙宋皇帝聞信道與建塔廟置影像

檀那院
覺運

釋覺運洛城人也事睿山慈慧與源信法師為匹敵世曰慧心檀那者也每預講席常居勝義諸宗章疏多所暗誦後隨皇慶受密乘運長於慶人稱其不耻下問矣慶赴西州辭相府運待干門伺慶之出取笠授之君子多運之有禮焉

釋覺超姓巨勢氏泉州大烏郡人幼上睿山有奇相出舌過鼻慈慧見之大驚曰聰明之相也必為國寶納而為上足儕輩年少嫉慧言謔呼號國寶以故人皆稱之以慈慧門人兼兄事源信法師顯密之奧一山推之昔慈覺造二經疏安然法師踵而勤撰述焉超雖後出追則二師所謂東西曼荼羅抄三密抄兩界生起仁王護國鈔等皆為學者珍秘慧語徒曰凡睿峯學者初習顯教後當受密乘

是以超力究秘藏嘗修月輪觀其胸常冷如
冰皇后有產難救超持念超不起重詔侍臣
藤公公上橫川宣嚴旨旦曰師若不下山我
又不歸官超不得已藤公請同駕超不聽徒
步入宮產誕即平帝大悅加僧都超不受速
出官官司逐背後讀詔牒自是有僧都之名
贊曰慈慧以中興之資立於春岫也信運爲
之左右也至今言台道者以慧心檀那爲稱
首超公介二子之間從事於述製此三者所

智證
以文字揭示第一義諦者邪

釋慶祚門下錄事中師元之子也遂顯密正
曆四年兩門相襲祚率徒移大雲寺不幾又
遷園城寺園城寺雖智證興建徒衆尚寡及
祚之來學者四方麇至三井之道此時爲熾
徒屬益繁長德三年四月宋國送新書五部
其文膚淺朝廷敕慈覺智證兩家皆破其內
龍女成佛義一卷祚預焉增賀法師有疾祚
往問之曰公之病三諦中何患乎賀曰空

諦無病中諦亦有亦無今我所患假諦耳祚
曰公之所觀似隔歷也即說圓融三諦又止
觀病患境賀聞垂淚病又尋愈寬仁元年十
月修法華十講二十九日者智證之忌也先
五日創講席其日丞相左僕射藤公率官僚
預聽忽山鹿走來縑素驚怪鹿跳上堂僕射
怪恐祚曰昔如來初轉法輪於鹿苑今日園
城之寺始結法輪瑞獸格止可謂嘉會況鹿
是轉法輪菩薩之三摩耶又春日太神之使

獸也僕射光賁神或散乎因茲而言豈非世
出世之佳祥乎一會登聽祚之居號龍雲房
隣宅失火煙炎鬱逼祚結印灑水其火自滅
隣宇半存橫川寬印三井定基為睿山內論
義之匹印者源信法師之徒也信語印曰內
論者雖家事而新學之發軔也子有意乎印
曰入學之初知有此事豈可始愕乎信曰子
之言壯也然彼有慶祚恐潤色基子不可緩
也寬仁三年十二月二十二日滅年六十五

和實因少年離家為睿山弘延弟子性聰慧
誦憶少雙儀容挺特志氣強健耐飢寒勤苦
學膏油繼晷傳資博物議論之場重其席每
逢講說聞者垂聽而感喜又稟密教行供修
晚移小松寺疑觀心誦法華夢有七寶塔釋
迦多寶並座放光空中有聲曰汝依觀心誦
經之力見一如來西方迎接不生疑慮祇數
年誦提婆品結印而即世矣

○
源滿姓平氏與源氏平斗之子也早上
台嶺事慈意兼稟學應治安二年法成寺成
大相國藤公命源為落處導師音吐流暢藤
公及王臣莫不嗟伏皇帝賜封五十戶源滿
唱演聞者感泣源滿仲累葉武略男俠義世
源之唱即座祝髮拜為戒師從宣數十
人同時剃落初寬仁三年任延曆寺座主治
安三年為僧正兼法務萬壽二年聽輦車
元元年五月二十六日滅

釋明尊武庫令野奉時之子通風之孫篁之
曾孫也遊智辯慶祚之門學業早成長曆二
年九月延曆寺座主慶命卒朝議以篁任之
於時慈覺之徒沮之語在黜爭志因茲兩門
相軋園城沙彌不得上睿壇二年尊上書乞
建戒壇於三井凡五上長久二年五月宣問
園城戒壇立不於諸宗於是乎相律三論華
嚴真言皆贊可只台徒固執不允永承七年
九月始行新羅祭祀神託和歌驩納初寬德

二年爲園城長吏永承三年八月遂任天台
座主數日而解印天喜五年賜封戶康平三
年十一月儀同三司藤賴通於白河別業設
法會賀尊之九十之筭公卿大臣多集其席
六年六月十六日卒年九十三

釋明篁姓佐藤氏紀州神崎人年十一登高
野山翠歲薙染隨成尊法師學秘密法初金
剛峯寺自從營構之始至此已二百餘歲院
宇廢頽密學踈荒篁慨念持明之宗依正俱

替苦修勵學度邁倫儔未幾十年兩部職位
諸尊軌儀無不貫穿南嶺密乘再興者世推
力於筆嘉承元年十一月十一日寂年八十
六

釋慶耀和州人也初三井慶遷法師有一弟
子適至和州宿一家家有兒年可十二三儀
操後偉語父母曰此兒不凡定成法器我師
園城之遷公也乞託此兒尺牘尋溝我爲見
惜之父母許諾已而告時父曰我有深知在

多武峯不欲見之佗州向雖許師今我耻季
布耳比丘曰已聞我師今卻違諾我乃獨來
恐師棄我於是乎見忽悶絕而死父母抱持
悲慟比丘亦怪泣良久而蘇曰我是新羅明
神之屬宿王菩薩也當入園城之門者明神
令我擁護先契已定今何反乎父母叩頭懼
謝乃付比丘自此遷加意諭導果播佳名康
和三年冬十一月承保上皇於鳥羽離宮啓
講場耀尚少擢應選耀善筆翰梵漢共通

延久五年成尋法師入宋索耀寫梵字曼荼
羅又多書楷字於時有天竺三藏法師見耀
梵書大加稱賞又有慧詢定照二沙門見楷
法亦能嗟嘆於此耀之名振宋地
贊曰祚者辯也困者論也源者感也專也扶
頌矣ケルシ算也起慶矣コトシ耀之名者異界乎ナリ

元亨釋書卷第四



